



Broj: 11-04-38-sl./15
Sarajevo, 23.01. 2015. godine

INFORMACIJA ZA WEB

Dragi, učenici 9-ih razreda osnovne škole, cijenjeni roditelji,

s ciljem blagovremenog informiranja u vezi sa obavezom polaganja eksterne mature, obavještavamo vas sljedeće:

u skladu sa zakonskom obavezom polaganja eksterne mature svih učenika koji uspješno završe devetogodišnje osnovno obrazovanje, u školskoj 2014/2015. godini će se u svim osnovnim školama, kao i u prethodnoj školskoj godini, organizirati polaganje eksterne mature.

Svi učenici 9. razreda osnovne škole će polagati maturu iz tri obavezna predmeta: Bosanski, hrvatski, srpski jezik i književnost, Matematika, strani jezik - prvi strani jezik (Engleski, Njemački, Francuski ili Arapski jezik). Pored tri navedena predmeta, učenici su obavezni polagati eksternu maturu iz još dva izborna predmeta, u okviru dvije grupe predmeta – I grupa: Historija, Geografija i Informatika; II grupa: Fizika, Hemija Biologija.

Pitanja iz sva tri obavezna predmeta, kao i izbornih predmeta iz kojih se polaže eksterna matura obuhvataju nastavno gradivo osnovne škole, uz napomenu da nastavno gradivo u završnim razredima osnovne škole predstavlja sublimaciju cjelokupnog gradiva devetogodišnje osnovne škole.

Ministarstvo je u januaru 2014. godine objavilo dokument – Ispitni katlog, koji sadrži nastavne teme/oblasti sa nastavnim jedinicama iz svakog predmeta pojedinačno i primjerima urađenih zadataka, iz kojih se učenici isključivo trebaju pripremati za eksternu maturu.

Iz nastavnih jedinica i nastavnih tema će se u junu 2015. godine sastaviti zadaci iz kojih će se učenici testirati za eksternu maturu.

Takođe napominjemo da katalog pitanja koji je od februara 2013. godine dostupan na web stranici Ministarstva, može poslužiti kao kvalitetna osnova za pripremanje učenika za polaganje eksterne mature, **ali ističemo da pitanja koja se nalaze u spomenutom katalogu neće biti i pitanja na eksternoj maturi, odnosno formulisaće se nova pitanja za polaganje eksterne mature.**

Posebno napominjemo da su se u određenom broju škola pojavile netačne i neprovjerene informacije u vezi sa ovom problematikom, te je naša namjera da vas adekvatno informiramo u vezi sa ovim pitanjem.

Za učenike u inkluzivnom obrazovanju su takođe u januaru 2014. godine objavljene teme i nastavne jedinice iz svakog predmeta pojedinačno, iz kojih se učenici trebaju pripremati za eksternu maturu, te je potrebno isti materijal koristiti za pripremu učenika u inkluzivnom obrazovanju za polaganje eksterne mature u školskoj 2014/2015. godini.



Za učenike koji dolaze izvan Kantona Sarajevo, a imaju namjeru svoje srednjoškolsko obrazovanje nastaviti u Kantonu Sarajevo, na osnovu Instrukcije Ministarstva od 21.02.2014. godine, dostavljamo spisak osnovnih škola u kojima mogu polagati eksternu maturu:

1. JU "Deveta osnovna škola"
2. JU OŠ "Skender Kulenović"
3. JU OŠ "Fatima Gunić"
4. JU OŠ "Čengić Vila I"
5. JU OŠ "Grbavica I"
6. JU OŠ "Porodice ef. Ramić"
7. Katolički školski centar – Osnovna škola.

Ministarstvo će u narednom periodu, kontinuirano, informirati javnost u vezi sa daljim aktivnostima na provođenju organiziranja eksterne mature.

S poštovanjem,



ZA MINISTRA

Ljiljana Preščec

